



*Jumat, 02 Juni 2023*

**Ogen: Kuan-kuanen 10:22**



**Kebayaken E me Pasu-pasu Dibata**



“Ertuah bayak” e me pertoton ras pengarapen enterem jelma. I bas kerja erdemu bayu megati si begi pedah dinggen toto keluarga man si erjabu gelah ertuah bayak. Adi enggo bayak tempa kai pe si isuraken banci tersehi. E maka enterem nge si erbintuas suari ras berngi gelah meter bayak. Sekalak perjuma isuan-suanina jumana si belangna sada hektar. Isuanina kerina wortel. Telu bulan enggo rani wortel e, meriah kal ukurna, e maka nina bas ukurna ku tama ku gudang kerina wortel e, kenca bage ku tukur ka juma terbelangen. Itukurna juma ndai isuanina wortel ras kol. Telu bulan ku lebe rani me kol ras wortel e, kena ka ergana, meriah kal ukurna, e maka tukrna ka juma terbelangen. Tambahina ka sinuan sinuanna e me jong, kol ras wortel. Telu bulan ku lebe radu rani kerina jong, kol ras wortel e. Meriah kal ukurna nina, malem atendu tendiku, enggo bayak kal kam, pitu tahun enda pe la erdahin bias denga si man panganndu. Hahaha ersenang-senanglah kam. E mak bas berngi wari tupung ia tunduh, reh Tuhan i bas nipina, Nina Tuhan man bana, o petani si bayak... enggo malem atendu bas kebayakenndu, tapi sendah kam arus mate. Lenga sempat inanamina kebayakenna, ia enggo mate. La kap ngasup kebayakenna ndai nampati ia lako mereken kesahna sada menit pe. Pengakapna ban usahana ras ban beluhna maka ia bayak. Erkiteken pasu-pasu Dibata nge maka kalak jadi bayak,erdain erbintuas labo nambahi kebayaken. Maksud kalimat enda, Dibata nge ulu kebayaken e, erdahinlah bagi si ngena ateNa. Tupung erdahin e inget maka Tuhan nge si masu-masu, nikmati ulih erdahin e, nanami pemere Tuhan e i bas kegeluhen. Kita labo bergantung ku bas kebayaken tapi ku bas pasu-pasu Tuhan. Nina kata bijak, pekerjaan mengisi sakumu, petualangan mengisi jiwamu (NN).